

ქალაქ თბილისის მუნიციპალიტეტის საკრებულო

განკარგულება №

—იანვარი 2023 წელი

**ქალაქ თბილისში, ჩუღურეთის რაიონში, დავით სულიაშვილის ქუჩისთვის მსახიობის
გურამ საღარაძის სახელის მინიჭების შესახებ**

საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

1. ჩუღურეთის რაიონში, დავით სულიაშვილის ქუჩას მიენიჭოს მსახიობის გურამ საღარაძის სახელი, თანდართული რუკის თანახმად.
2. ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო ღონისძიებების განხორციელება.
3. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64).

საკრებულოს თავმჯდომარე

გიორგი ტყემალაძე



სსიპ თბილისის შოთა რუსთაველის
სახელობის პროფესიული სახელმწიფო
დრამატული თეატრი



LEPL TBILISI SHOTA RUSTAVELI
PROFESSIONAL STATE DRAMA
THEATRE



KA000027959434718

0108 ქ. თბილისი, რუსთაველის გამზ. 17 ტელ: (99532) 2933818, 2931894, 2996373
17 Rustaveli ave. Tbilisi 0108, Tel: (99532) 2933818, 2931894, 2996373
www.rustavelitheatre.ge E-mail: info@rustavelitheatre.ge

№ 01-04/237

13 / დეკემბერი / 2018 წ.

ქალაქ თბილისის საკრებულოს თავმჯდომარეს
ბატონ გიორგი ტყემალაძეს

ბატონო გიორგი,

მოგახსენებთ, რომ 2019 წლის 12 იანვარს საქართველოს სახალხო არტისტს, სახელმწიფო და რუსთაველის პრემიების ლაურეატს, ქალაქ თბილისის საპატიო მოქალაქეს, რუსთაველის თეატრის მსახიობს ბატონ გურამ საღარაძეს 90 წელი შეუსრულდებოდა.

ამ საიუბილეო თარიღთან დაკავშირებით და იმის გათვალისწინებით, რომ გურამ საღარაძე 60 წელი ღირსეულად ემსახურა ქართულ თეატრს და უდიდესი წვლილი შეიტანა ქართული პოეზიის პოპულარიზაციაში, რუსთაველის თეატრი მოგმართავთ თხოვნით, შესაძლებლობის ფარგლებში ქალაქ თბილისის ცენტრში (სასურველია დიდუბე-ჩუღურეთის რაიონი) ერთ-ერთ ქუჩას დაარქვას ბატონ გურამ საღარაძის სახელი.

წინასწარ გიხდით მადლობას და ვიტოვებთ იმედს, რომ ჩვენი თხოვნა უყურადღებოდ არ დარჩება.

პატივისცემით,

სსიპ თბილისის შოთა რუსთაველის სახელობის
პროფესიული სახელმწიფო დრამატული
თეატრის სამხატვრო ხელმძღვანელი

ხელმოწერა/ 
შტამპდასმულია
ელექტრონულად

რობერტ სტურუა



ქალაქ თბილისის მუნიციპალიტეტის საკრებულო

TBILISI CITY MUNICIPAL ASSEMBLY



წერილის ნომერი: **03-032213630**
თარიღი: **16/05/2022**

ქალაქ თბილისის მუნიციპალიტეტის საჯარო სამართლის იურიდიული
პირი ქალაქ თბილისის ტრანსპორტისა და ურბანული განვითარების
სააგენტო
მისამართი: თბილისი, შარტავას ქ. N7

სააგენტოს უფროსს ბატონ ვიქტორ წილოსანს

როგორც მოგეხსენებათ, სახელდებისა და სიმბოლიკის კომისია განიხილავს სსიპ თბილისის შოთა რუსთაველის სახელობის პროფესიული სახელმწიფო დრამატული თეატრის სამხატვრო ხელმძღვანელის რობერტ სტურუას ინიციატივას დედაქალაქის ერთ-ერთი ქუჩისთვის გურამ საღარაძის სახელის მინიჭებასთან დაკავშირებით (2022 წლის 4 მაისი საქმე #03-032212455).

გიგზავნით ზემოხსენებულ წერილს და მოგმართავთ თხოვნით, მოგვაწოდოთ გურამ საღარაძის ქუჩის სიტუაციური ნახაზი დანართის და ქ. თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების შესაბამისად.


დანართი 3 (სამი) გვერდი.

ნინო ვარდოსანიძე

ქალაქ თბილისის მუნიციპალიტეტის საკრებულო-
სახელდებისა და სიმბოლიკის კომისია-კომისიის
თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი





გურამ სალარაძე

(1929-2013)

მსახიობი. სახალხო არტისტი, შოთა რუსთაველის სახელობის და სახელმწიფო პრემიების ლაურეატი, ღირსების ორდენის კავალერი.

დაიბადა თბილისში. 1951 წელს დაამთავრა შოთა რუსთაველის სახელობის თეატრალური ინსტიტუტი და ჩაირიცხა რუსთაველის თეატრის დასში.

იგი იყო თანამედროვეობის ერთ-ერთი საუკეთესო მსახიობი. ასობით სასცენო და კინო როლის შემსრულებელს, მხატვრული კითხვის უბადლო ოსტატს ეთაყვანებოდნენ თაობები. მის მიერ შესრულებული ნებისმიერი როლი, წაკითხული ლექსი თუ მცირეოდენი პროზაული ნაწყვეტი, დაუვიწყარი და შთამბეჭდავი იყო იმისთვისაც კი, ვისაც ქართული ენა არ ესმოდა. მისი განსახიერებული როლებია: სოსო (ოთარ იოსელიანის „ადამიანი იზადება ერთხელ“), თესევსი, მასახარა და იულიუს კეისარი (უილიამ შექსპირის „ზაფხულის ღამის სიზმარი“, „მეფე ლირი“ და „იულიუს კეისარი“), ჰეილი (ართურ მილერის „სეილემის პროცესი“), ტიპოტესკუ (იონ ლუკა კარაჯალეს „დაკარგული ბარათი“), დურსუნი და ჭეიშვილი (ნოდარ დუმბაძის „მზიანი ღამე“ და საბრალდებო დასკვნა), მინდია (კონსტანტინე გამსახურდიას „ხოგაის მინდია“), შე ფუ, თავადი ყაზბეგი, ეფრეიტორი, ბერი (ბერტოლტ ბრეხტის „სეჟანელი კეთილი ადამიანი“ და „კავკასიური ცარცის წრე“), ტომი (ტენესი უილიამზის „შუმის სამხეცე“), გიორგი ჯაფარიძე (რევაზ თაბუკაშვილის „რაიკომის მდივანი“), უჩა (თამაზ ჭილაძის „როლი დამწყები მსახიობი გოგონასათვის“, შერიფი (რუსტამ იბრაგიმეკოვი „დაკრძალვა კალიფორნიაში“, დადიანი (კარლო გოლდონი, „მშვენიერი ქართველი ქალი“) თამაშობდა „თეატრალურ სარდაფში“ კურტი (ავგუსტ სტრინდბერგის „სიკვდილის როკვა“) და კლავდიუსი (უილიამ შექსპირის „ჰამლეტი“)

სალარაძე ემოციური, ფართო დიაპაზონის მსახიობი და მხატვრული კითხვის ოსტატი იყო. მხატვრული კითხვისთვის მხოლოდ მას აქვს მინიჭებული უმაღლესი ეროვნული ჯილდო – რუსთაველის პრემია, მან თავისი სკოლა შექმნა მხატვრულ კითხვაში. მისი დამსახურებაა, მხატვრული კითხვა დამოუკიდებელ ჟანრად რომ დამკვიდრდა საქართველოში.

1998 წელს მიიღო ლვოვის საერთაშორისო თეატრალური ფესტივალის პრიზი მამაკაცის როლის საუკეთესო შესრულებისათვის.

1998 წელს დაჯლდოვდა ღირსების ორდენით ქართული თეატრალური ხელოვნების განვითარებაში შეტანილი განსაკუთრებული პირადი წვლილის, ნაყოფიერი შემოქმედებითი და პედაგოგიური მოღვაწეობისათვის.

ქართული კინოს განვითარებაში შეტანილი წვლილისთვის 2006 წლის 13 ნოემბერს
რუსთაველის თეატრის წინ გაიხსნა გურამ საღარაძის ვარსკვლავი.

გარდაიცვალა 2013 წლის 17 იანვარს 84 წლის ასაკში.

დაკრძალულია დიდუბის მწერალთა და საზოგადო მოღვაწეთა პანთეონში.